

## **KJKP "Park" d.o.o. Sarajevo**

Na osnovu člana 257. tačka f) Zakona o privrednim društvima ("Službene novine FBiH", broj 81/15 i 75/21), čl. 43., 57. i 59. Statuta KJKP "Park" d.o.o. Sarajevo –prečišćeni tekst, broj: broj: P- 2802-3/21 od 31.08.2021. godine i Odluke Nadzornog odbora KJKP „Park“ d.o.o. Sarajevo, broj: P-557.02-6-1 od 12.03.2025., Nadzorni odbor KJKP „Park"d.o.o. Sarajevo raspisuje

### **JAVNI KONKURS ZA IZBOR I IMENOVANJE DIREKTORA KJKP „PARK“ D.O.O. SARAJEVO**

#### **I Predmet javnog konkursa**

Raspisuje se javni konkurs za izbor i imenovanje direktora –predsjednika Uprave KJKP „Park“ d.o.o. Sarajevo.

#### **II Opis pozicije**

Direktor je nadležan da:

- predsjeda Upravom;
- rukovodi procesom rada i poslovanja Preduzeća;
- zastupa i predstavlja Preduzeće u unutrašnjem i vanjskotrgovinskom prometu bez ograničenja;
- predlaže razvojnu i poslovnu politiku;
- predlaže organizaciju Preduzeća;
- odgovora za zakonitost rada Preduzeća;
- podnosi izvještaje o poslovanju i godišnji obračun;
- donosi pojedinačne akte u skladu sa Statutom i općim aktima Preduzeća;
- izvršava i organizuje sprovođenje odluka Preduzeća;
- utvrđuje prijedloge općih akata;
- odlučuje o potrebi za radom i raspoređivanju radnika;
- odlučuje o pravima i odgovornostima radnika u skladu sa Zakonom, kolektivnim ugovorima i Pravilnikom o radu;
- preduzima radnje vezane za registraciju Preduzeća;
- zaključuje ugovore i poduzima i druge pravne radnje.

#### **III Mandat**

Mandat direktora Preduzeća je četiri godine.

Položaj, ovlaštenja, odgovornosti i prava direktora uređuju se ugovorom između Nadzornog odbora i direktora u skladu s važećim propisima.

Direktor i predsjednik Uprave poslovodnu funkciju obavlja u radnom odnosu na određeno vrijeme.

#### **IV Uslovi za pozicije**

Kandidati za poziciju direktora moraju ispunjavati opće i posebne uslove:

##### **a) Opći uslovi:**

- 1) da je stariji od 18 godina i da nije stariji od 65 godina na dan imenovanja (dokaz: izvod iz matične knjige rođenih);

- 2) da je državljanin Bosne i Hercegovine (dokaz: uvjerenje o državljanstvu);
- 3) da je zdravstveno sposoban za obavljanje poslova na koje se prijavljuje (dokaz: potpisana i ovjerena izjava kandidata);
- 4) da nije osuđivan za krivično djelo i za privredni prestup nespojiv s dužnošću u Upravi pet godina od dana pravomoćne presude isključujući vrijeme zatvorske kazne prije dana objavljivanja upražnjene pozicije (dokaz: uvjerenje od nadležnog suda);
- 5) da mu presudom suda nije zabranjeno obavljanje aktivnosti u nadležnosti Uprave u koju se kandiduje (dokaz: uvjerenje od nadležnog suda);
- 6) da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti (dokaz: potpisana i ovjerena izjava kandidata);
- 7) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz: potpisana i ovjerena izjava kandidata);
- 8) da se na njega ne odnosi član IX Ustava Bosne i Hercegovine (dokaz: potpisana i ovjerena izjava kandidata);
- 9) da ne vrši funkciju u političkoj stranci (dokaz: potpisana i ovjerena izjava kandidata);
- 10) da ne postoje druge zakonske smetnje za obavljanje funkcije člana Uprave (dokaz: potpisana i ovjerena izjava kandidata).

**b) Posebni uslovi:**

- 1) da ima završenu visoku stručnu spremu (VSS) ekonomski ili pravni fakultet, fakultet društvenog, tehničkog ili biotehničkog smjera (dokaz: diploma o stečenoj stručnoj spremi);
- 2) da ima najmanje 5 godina radnog iskustva i 3 godine na rukovodnim poslovima (dokaz: potvrda o radnom i rukovodnom iskustvu);
- 3) da ponudi program rada i razvoja Preduzeća u mandatnom periodu (dokaz: program rada i razvoja preduzeća);
- 4) da ima stručna znanja iz oblasti upravljanja preduzećima (dokaz: intervju);
- 5) da nije predsjednik i član nadzornog ili upravnog odbora u privrednim društvima, institucijama, fondovima, agencijama ili komisijama (dokaz: potpisana i ovjerena izjava kandidata);
- 6) da je prošao ili se obavezao da će obaviti odgovarajuće usavršavanje u skladu s Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala u roku od jedne godine od dana imenovanja na poziciju (dokaz: certifikat o završenom usavršavanju izdat od strane nadležnog organa ili potpisana i ovjerena izjava kojom kandidat izjavljuje da preuzima obavezu da obavi usavršavanje u roku od od jedne godine od dana imenovanja na poziciju);
- 7) da ispunjava i druge uslove koji su zakonskim i podzakonskim aktima predviđeni kao obligatorni za direktore javnih preduzeća, uključujući i javna komunalna preduzeća (potrebni certifikati, preporuke i dr.).

**V Potrebni dokumenti:**

1. biografija s adresom i kontakt telefonom;
2. izvod iz matične knjige rođenih;
3. uvjerenje o državljanstvu;

4. izjava da se kandidat osjeća zdravstveno sposoban za obavljanje funkcije direktora; (ljekarsko uvjerenje o zdravstvenoj sposobnosti će dostaviti samo izabrani kandidat )
5. uvjerenja od nadležnog suda za tačke IV a) 4) i 5);
6. potpisane izjave kandidata i ovjerene od strane općine ili notara o ispunjavanju uslova za tačke IV a) 6), 7), 8), 9) i 10) i b) 5);
7. diploma o stečenoj stručnoj spremi;
8. dokaz o radnom i rukovodnom iskustvu;
9. program rada i razvoja preduzeća;
10. certifikat o završenom usavršavanju izdat od strane nadležnog organa ili potpisana i ovjerena izjava kojom kandidat izjavljuje da preuzima obavezu da obavi usavršavanje u roku od od jedne godine od dana imenovanja na poziciju.
11. certifikati, preporuke iz tačke IV b) 7).

Kandidati su uz prijavu dužni priložiti originalne dokumente ili ovjerene fotokopije naprijed navedenih dokumenata.

Datum izdavanja naprijed navedene dokumentacije ne smije biti stariji od 90 dana od datuma objavljivanja oglasa izuzev za dokumentaciju trajne vrijednosti.

Prijave kandidata s kojima se ne stupa u kontakt u roku od 15 dana od dana isteka roka za podnošenje prijava neće se uzimati u razmatranje u daljem postupku izbora.

Kandidati koji uđu u uži izbor biti će pozvani na intervju u roku od 15 dana od dana isteka roka za podnošenje prijava.

Komisija zadržava pravo provjere svih podataka, izjava i drugih dokumenata kandidata.

Konkurs za podnošenje prijava ostaje otvoren 15 dana od dana objavljivanja u „Službenim novinama FBiH“, a isti će se objaviti i u jednom dnevnom listu u skraćenoj verziji, registru javnih oglasa Ureda za borbu protiv korupcije Kantona Sarajevo i na web stranici KJKP „Park“ d.o.o. Sarajevo.

Nepotpune i neblagovremene prijave neće se uzeti u razmatranje.

Prijavu s traženom dokumentacijom dostaviti lično ili poštom na adresu: **KJKP "Park" d.o.o. Sarajevo, ul. Patriotske lige broj 58, s naznakom PRIJAVA NA JAVNI KONKURS ZA IZBOR I IMENOVANJE DIREKTORA – NE OTVARATI – Na poleđini koverta naznačiti ime i prezime podnosioca prijave i kontakt telefon.**

**Napomena: Preduzeće nije obavezno vraćati dokumentaciju dostavljenu uz prijavu.**